

15 OCT, 2020

Pasar Tani P`pang beroperasi dengan SOP ketat

Harian Ekspres (KK), Malaysia

Page 1 of 2



HARIS (kanan) melakukan tinjauan di Pasar Borong Tani Penampang ketika mengadakan Ops Bersepadu kelmarin. – fotoBERNAMA

Pasar Tani P`pang beroperasi dengan SOP ketat

PENAMPANG: Aktiviti perniagaan di Pasar Tani Penampang di sini berjalan lancar dengan pematuhan prosedur operasi standard (SOP) yang ketat menerusi pemantauan daripada pihak berkuasa termasuk Polis Diraja Malaysia (PDRM).

Ketua Polis Daerah Penampang DSP Mohd Haris Ibrahim berkata pasar berkenaan dibenarkan beroperasi kerana ia menjadi tumpuan penduduk bagi daerah Penampang, Putatan dan Kota Kinabalu untuk mendapatkan keperluan bahan mentah.

"Hasil pemantauan di premis ini, semua peniaga membatuhi SOP seperti yang ditetapkan oleh Kementerian Kesihatan dalam tempoh Perintah Kawalan Pergerakan Bersyarat (PKPB)," katanya kepada pemberita selepas mengadakan

tinjauan di pasar tani itu, Rabu.

Haris berkata bagi memastikan pematuhan itu turut dipatuhi pengguna, pihak Jabatan Sukarelawan Malaysia (Rela) juga menjalankan pemeriksaan suhu badan dan menyediakan pengimbas kod QR MySejahtera di laluan masuk ke pasar berkenaan.

Beliau berkata pihak pengurusan juga meletakkan papan tanda peringatan di beberapa lokasi di kawasan pasar itu supaya SOP sentiasa dipatuhi dalam usaha memutuskan rantai pandemik Covid-19.

Katanya, pasar tani itu hanya beroperasi dari 6 pagi hingga 2 petang setiap hari apabila PKPB berkuat kuasa di daerah itu bermula pada 7 hingga 20 Oktober. – Bernama



15 OCT, 2020

Pasar Tani P`pang beroperasi dengan SOP ketat

Harian Ekspres (KK), Malaysia

Page 2 of 2

SUMMARIES

11 AKIN (luiiiiiin) mclukukiin (iujaian)